

Alegria y Fantasia

Hebbe Hebbe dunando honor awenochi na Hofie Prikichi



ORANJESTAD - Nos ta den inicio di un otro temporada di carnaval y como organizador nan di HEBBE-HEBBE nos no ta keda afor. E fecha di e aña aki lo ta 4 februari 2010, riba e lugar di custumber cu ta parking lot di postkantoor di oranjestad.

Hebbe-Hebbe, Algo cu a cuminsa chikito como un sugerencia di nos bisiaña nan a crece bira parti di aruba su carnaval y nos ta masha orguyoso di esey tambe. E aki atrobe nos lo bay dedica e festival aki na un persona of grupo cu ta contribui grandemente na ARUBA su carnal.

Carnaval di ARUBA semper a conoce diferente tipo di grupo di carnaval esta grupo nan cu ta bay diferente tema, color y tin grupo comico. Tempo nan aya e tema aki esta grupo comico tabatin hopi pero poco poco nan a stop pero tin un grupo cu a sigui. Nan a presenta hopi tema pero e tema semper tabatin algo cu Aruba. Pero nunca a insulta rasa of religion. Un grupo di amigo cu a cuminsa na campa hunto a dicidi di bay carnaval pero cu un tema comico y asina 40 aña pasa mas of menos e grupo aki a cuminsa den carnaval semper cu tema nan gracioso pa pone hende nan hari.

E anecdota mas gracioso ta ora e grupo aki a dicidi di bay election d reina y sac no a gusta e idea aki paso nan ta hende nan di e grupo comico y dios kico nan lo a bin cune. Despues dia colecta mas di 100 firma y bou di cierto regal a duna nan autorizacion pa participa pero bow di e condicion cu nan no mag yega mas serca cu 50meter for di stage. Esaki tabata e prome reina cu a participa cu

un shimis di color.

Nan a bin cu un truck yena cu wea tapa pa hasi desorden pa por a apoya nan reina. Y asina tin masha hopi anecdota di e grupo aki. Cu a cuminsa cu e number PARA LOCO y awendia ta uza e nomber HOFFIE PRIKICHIE.

Mi sa cu varios integrante ya no ta cu nos mas y mayoria ya ta hende grandi caba pero mi ta spera cu e dedicacion aki lo stimula e grupo aki pa sigui y pa nan yiu nan y yiu di nan yiunan, pesey HEBBE-HEBBE 2010 TA WORDU DEDICA NA HOFFIE PRIKICHIE.